

راقب قصوری

راقب قصوری 1883ء نوں قصور وچ پیدا ہوئے۔ آپ نے قصور وچ اپنی تعلیم مکمل کیتی۔ سرسند وچ قیام دے دوران نبی آخر الزماں صلی اللہ علیہ وآلہ وسلم نال محبت، چاہت تے عقیدت دے جذبے اک خاص لگاؤ دے تحت جاگے۔ ایہہ اوہ مقام سی جتھے آکے راقب قصوری ہوراں نے اپنے آقادی مدح مبارک نوں ای اپنی حیاتی دا مقصد بنالیا۔ آپ جون 1936ء نوں وفات پاگئے۔

پنجابی شاعری دی روایت وچ اوہ اک رجحان ساز شاعر دی حیثیت اختیار کر گئے کیوں جے اوہناں توں پہلاں عام طور تے پنجابی شاعر مشنویاں، جنگ نامیاں، واراں تے قصیاں وغیرہ دے ڈھ وچ حمد، نعت تے منقبت وغیرہ برکت تے عقیدت پاروں درج کر دے سن۔ راقب نے پہلی واری نعت نوں اک وکھری صنف سخن دے طور تے اختیار کر کے کئی نعتیہ مجموعے پیش کیتے جہناں وچ حضرت دی حضورؐ مولادی منظوری، مدینے پاک دی کستوری، نبی پاک دی دُوری، روضے پاک دی چُوری، دیوان راقب تے راقب قصوری دیاں نعتاں (جمع و تدوین ڈاکٹر شہباز ملک) خاص طور تے ذکر دے قابل نیں۔

راقب قصوری دیاں نعتاں وچ حضور اکرم صلی اللہ علیہ وآلہ وسلم دے روضہ مبارک اُتے حاضری دی خواہش بڑی مچلدی اے۔ اوہ ہر ویلے مدینے دی حضوری واسطے ٹر فڈے رہندے سن تے ایہہ کیفیت اوہناں دی اک اک نعت وچ بھری ہوئی اے۔

نعت

یا محمد یا محمد آکھدی کر پھیریاں!
تیری بندی چنگی مندی در ترے دی چیریاں

برہوں جلیاں لاٹاں بلیاں گلیاں گلیاں کوکدی
بوٹھڑ سائیاں کہیاں سائیاں ساناں لوڑاں تیریاں

توں پیارا ، توں دلارا ، توں سہارا خلق دا
سینے لائیں ، ہُن کدائیں عرض عرضاں تیریاں

بچ نہ جمدی ، پستی غم دی کجھ نہ کم دی کارج دی
لائیاں لیکان بھہ شریکاں نت اڈیکاں تیریاں

نت میں روگی ، روگاں جوگی ، غم بھوگی روڈری
موٹی مکی مکھ دی ٹھکھی ، ہُن کہیاں میں تیریاں

تیری گولی ، کد میں بولی ، جان گھولی صدقڑے
جانہ چھڈ کے ، جھولی اڈ کے منتاں کردی تیریاں

خاک چھانی ، میں نمائی میسر اراقب ہے گواہ
آوے سائیاں ہوڑ ڈھائیاں میں تے سبھے ڈھیریاں



(راقب قصوری دیاں نعتاں)